

# ვაჭი და ღვინო

წელიწადი მეორე.

№ 1

ი ა ნ ვ ა რ ი 1921 წ.

№ 1


შ ი ნ ა ა რ ს ი :

1. საძეუვნეო ურილობათა კვირა.

2. მოწოდება.

3. მეღვინე-მევენახეთა მე-2-რე ურილობის პროგრამა.

4. ამავე ურილობის ინსტრუქცია



5. მოხსენება რესპუბლიკის მთავრობის თავმჯდომარეს

6. სასოფლო-ძეუვნეობის ჰალატის პროგრამა.


7. ღვინის წარმოება.

7975

### ჟურნალის გამოცემის პირობები:

ჟურნალი ჯერჯერობით გამოვა ორ კვირაში ერთხელ, არანაკლებ 16 გვერდსა, თითო ნომრის ფასი საბჭოს მიერ განსაზღვრულია 50 მან. ამ ფასით ჟურნალის გამოწერა შეიძლება სამი თვით.

ჟურნალის რედაქცია იმუთყება საბჭოს ბინაზედ—თბილისი, ნინოშვილის ქუჩა № 5.





კახელ მემენახეთა  
კოოპ. საზოგადოება

# კ ა ვ შ ი რ თ - კ ა ვ შ ი რ ი

თ ბ ი ლ ი ს ი რუსთველის ქუჩა № 33

კახეთი, სადგური „მუკუზანი“, კახეთის რკინის გზა.

„კავშირთ-კავშირი“ დაარსებულია 1918 წელს. წესდება დამტკიცებულია თბილისის საოლქო სასამართლოს მიერ 1919 წლის 8 თებერვალს. „კავშირთ-კავშირში“ შედიან ველისციხის, გურჯაანის და კარდანახის შემნახველ გამსესხებელი ამსახანაობანი 4400 წევრით, რომელთაც 4200 დესეტინა ჯენასი აქვთ.

„კავშირთ-კავშირის“ გამგეობა, მთავარი კონტორა და საწეობი მოთავსებულია საკუთარ ბინაზედ კახეთის რკინის გზის სადგურ მუკუხანთან.

# სამეურნეო ყრილობა-

## თა კვირა

სასოფლო სამეურნეო პალატის საორგანიზაციო კომიტეტი უოველ სამეურნეო დარგის წარმომადგენელ ორგანიზაციებთან შეთანხმებით იწვევს ქ. თბილისში.

**20—22** თებერვალს მეცხვარე-მესაქონლეთა ყრილობას

**23—24** „ მეღვინე-მევენახეთა

**25—26** „ მეთამბაქოეთა

**27—28** „ მენილე-მებაღეთა

**1—2** მარტს მსვენელ-ძთესველთა

სოფლო **3** მარტს შესდგება გაერთიანებული სხდომა უველა ყრილობების წარმომადგენლებისა სასოფლო-სამეურნეო პალატის მმართველ ორგანოების ასარჩევად.

ყრილობები მოხდება სასოფლო-სამეურნეო საზოგადოების ბინაზედ ნინოშვილის (ყოფ. ბარათინსკის) ქ. **№ 5**

## მოქოლვა

### მოქალაქენო სოფლის მეურნენო!

მესამე წელიწადია რაც ჩვენი აღდგენილი სახელმწიფო თავგამოდებით და შეუღრეკელათ იცავს თავის პოლიტიკურ დამოუკიდებლობას. მესამე წელიწადია რაც ჩვენი სამშობლოს მშრომელი მარჯვენის უმეტესი ნაწილი გამუდმებით და ერთი მეორის შეცვლით იარაღით ხელში ღირსეულად იცავს ჩვენს საზღვრებს და გვიფარავს მოზღვავებულ მტრის მიერ გათქერისაგან. ჩვენი საუკეთესო შვილთა თავგანწირვამ და მამულის სიყვარულმა იხსნა საქართველო ფიზიკური განადგურებისაგან: ჩვენი სახლკარი, ჩვენი ოჯახი არ ყოფილა აწიოკებული როგორც მაგალითად ჩვენს მეზობელ სომხეთ-აზერბაიჯანში, მაგრამ ჩვენი ძლიერებისთვის და პოლიტიკურ დამოუკიდებლობის შენარჩუნებისათვის არ კმარა მხოლოდ საზღვრები გვექონდეს გამაგრებული—საჭიროა განვამტკიცოთ ჩვენი ეკონომიური მდგომარეობაც; საჭიროა შევექმნათ და გავამრავლოთ ჩვენი ქონებრივი დოვლათი; საჭიროა გავუძღვეთ ჩვენს სახელმწიფოს და ოჯახურ ხარჯებს.

მოგეხსენებათ, ჩვენი სახელმწიფოს ეკონომიური სიძლიერე დამოკიდებულია სოფლის მეურნეობაზე. მოგეხსენებათ ავითვე იხიცი, რომ ჩვენი კურთხეული სამშობლო მდიდარია ბუნების მრავალფეროვანობით და, მიუხედავად ამისა, მთელი ჩვენი სოფლის მეურნეობა ჯერ ომისა და რევოლიუციის და შემდეგ კი ჩვენი მოუწყობლობის და შეუკავშირებლობის წყალობით თანდათან უკან-უკან მიდის: სოფელი გაღატაკდა, იგი ჩაუცმელ-დაუხურავია, მას აკლია პირველ საჭიროების სა-

გნები, უძველესი და უკეთილშობილესი ჩვენი სოფლის მაღალ-კულტურული დარგები მეცხვარეობა, მევენახეობა, მეთამბაქოობა და სხვა ისპობა. მხენელ-მთეველთ აღარა ჰყავთ მუშა საქონელი, აღარა აქვთ გუთანა და სხვა იარაღი და ჩვენი სახელმწიფოს არსებობის საფუძველი კი სწორედ სოფლის მეურნეობაა—ამიტომ უაღრესად საჭიროა მთელი ჩვენი ძალების ამოძრავება სოფლის მეურნეობის ასაღორძინებლად და მტკიცე სასოფლო სამეურნეო პოლიტიკის შესაქმნელად. ამისათვის კი საჭიროა მთელ ჩვენ მეურნეთა შეკავშირება და დარაზმვა. საჭიროა მათი გაერთიანება დარგთა მიხედვით და სახელმწიფოსთან თანამშრომლობა, საჭიროა დრო გამოშვებით, მაგრამ სისტემატურად იმართებოდეს ყოველ დარგის ყრილობები, სადაც მეურნეთ საშუალება მიეცემათ გაუზიარონ ერთმანეთს თავისი გასაჭირი, დაკვირვებანი და საერთო საშვალეებით გაიკვლიონ ახალი გზები, რომელნიც იხსნიან ჩვენს მეურნეობას განსაცდელისაგან. საჭიროა შეიქმნენ ყოველ სამეურნეო დარგის დამცველი, ასე ვსთქვათ, პროფესიონალური ინტერესების გამომხატველი მუდმივი ორგანოები და ამ ორგანოთა შეთანხმებული მოქმედება სწარმოებდეს ერთს გაერთიანებულ დაწესებულებაში—სასოფლო სამეურნეო პალატაში. და სწორედ ამ მიზნით სასოფლო-სამეურნეო პალატის საორგანიზაციო კომიტეტი ყოველ მნიშვნელოვან დარგთა წარმომადგენელ ორგანიზაციებთან შეთანხმებით მომავალ თებერვალში იწვევს მთელ რიგ სხვა და სხვა სამეურნეო დარგთა ყრილობებს. ამ ყრილობებზე დასწრება შეუძლია ყველა მეურნეს, ხოლო სრულ უფლებიან წევრთა

შემადგენლობა განსაზღვრულია ყოველ ყრილობისთვის შემდგარ განსაკუთრებულ ინსტრუქციით.

ყრილობები შესდგება:

- 20—22 თებერვალს მეცხვარე-მესაქონ.
- 23—24 „ მეღვინემევენახეთა
- 25—26 „ მეთამბაქოეთა
- 27—28 „ მეხილე-მებაღეთა
- 1—2 მარტს მხენელ-მთესველთა

ხოლო 3 მარტს შესდგება გაერთიანებული კრება ყველა ყრილობების წარმომადგენელ საბჭოებისა სასოფლო-სამეურნეო პალატის მმართველ ორგანოთა ასარჩევად.

სოფლის მეურნენო, მეტის ყურადღებით მოეპყართ თქვენს საკუთარ საქმეს... გაგვაგებინეთ თქვენი გასაკირო... გაგვიზიარეთ თქვენი მდგომარეობა და დაკვირვებანი. დაესწართ ყრილობებს.

## მალვინა-მევენახეთა მე-2 ყრილობის პროგრამა

(წესრიგი)

(1921 წლის თებერვლის 23—24).

1. ყრილობის საბჭოს წარსული წლის მოქმედების ანგარიში (მომხსენებელი ი. ანდრონიკაშვილი).

2. მოხსენებანი:

ა. მევენახეობის აწინდელი მდგომარეობა (მომხსენებელი გ. წინამძღვარიშვილი).

ბ. მეღვინეობის აწინდელი მდგომარეობა (მომხსენებელი სოლ. ჩოლაყაშვილი).

გ. ჩვენი ღვინის ქიმიური შემადგენლობა (მომხსენებელი და-

მსახურებული პროფ. პ. მელიქიშვილი).

3. მოხსენებები ადგილებიდან.

4. მეღვინე-მევენახეთა ყრილობათა წესდების და ღვინის კანონის განხილვა.

5. სასოფლო-სამეურნეო პალატის ორგანიზაცია (მომხსენებელი გ. წინამძღვარიშვილი).

6. ყრილობათა საბჭოს და სარევიზიო კომისიის არჩევნები.

## ინსტრუქცია

მეღვინე-მევენახეთა ყრილობისათვის.

1. ყრილობას იწვევს მეღვინე-მევენახეთა ყრილობის საბჭო სასოფლო სამეურნეო პალატასთან შეთანხმებით.

2. ყრილობა გაიხსნება თებერვლის 23-ს შუადღის 12 საათზე და გასტანს 2 დღეს ქ. თბილისში სასოფლო სამეურნეო საზოგადოების დარბაზში ნინოშვილის (ყოფ. ბარიათინსკის) ქ. № 5.

3. ყრილობას შეადგენენ:

ა. თითო წარმომადგენელი მევენახე ყველა იმ თემებისა, რომელნიც აწარმოებენ მევენახეობას, ბ. თითო წარმომადგენელი მევენახეობის რაიონის ყველა საკრედიტო კოოპერატიულ ორგანიზაციებისა. გ. თითო წარმომადგენელი მევენახეთა და მეღვინეთა საზოგადოებრივი ორგანიზაციებისა. დ. თითო წარმომადგენელი ყველა მევენახეობის რაიონების სამაზრო ერობებისა. ე. ერთი წარმომადგენელი ერობათა ცენტრისა. ვ. თითო წარმომადგენელი ქ. თბილისისა, ქუთაისისა და ყველა სხვა ქალაქების თვითმმართველობებისა, ზ. ერთი წარმომადგენელი საქართველოს სასოფლო სამეურნეო საზოგადოებისა, ც. თითო წარმომადგენელი

მიწათმოქმედების სამინისტროს სასოფლო-სამეურნეო განყოფილებისა, სააქციზო უწყებისა და ფინანსთა სამინისტროსი, თ. ყველა ქალაქთა ღვინით მოვაჭრეთა წარმომადგენლები, მათ შორის ქ. თბილისიდან პ, ქუთაისიდან 2 და დანარჩენ ქალაქებიდან თითო წარმომადგენელი, და ი. სათათბირო ხმით მელვინობამევენახეობის ყველა სპეციალისტები-აგრონომები.

ყველა წარმომადგენელს უნდა ჰქონდეს შესაფერი რწმუნება გამომგზავნელ დაწესებულებათაგან.

4. დროის სიმკირის გამო მოხსენებები იქნება მოკლე და განსაზღვრული რიცხვი. მოხსენებლებმა უნდა წინასწარ წარუდგინონ ყრილობის საბჭოს მოხსენების თეზისები.

5. ყრილობის წევრნი უზრუნველყოფილნი იქნებიან ბინით.

## რესპუბლიკის მთავრობის თავმჯდომარეს

სასოფლო-სამეურნეო პალატის  
საორგანიზაციო კომიტეტის

### მოხსენება

მოგესხნებათ, რომ საქართველოს ეკონომიური არსებობა უმთავრესად დამოკიდებულია სასოფლო მეურნეობის განვითარებასა და განმტკიცებაზედ. ჩვენი ქვეყნის ეკონომიური ძალა ჯერ-ჯერობით დამყარებულია სოფლის მეურნეობაზედ. ამიტომაც უმთავრესი ჩვენი ყურადღება და ძალები სასოფლო მეურნეობის განვითარებისაკენ უნდა იყვეს მიმარ-

თული. მხოლოდ მაშინ დავსდგებით მტკიცე და შეურყეველ ეკონომიურ აღორძინების გზაზედ, როდესაც შევსძლებთ მთელი ჩვენი მიწების დამუშავებას, მათი ნაყოფიერების იმ ზომად გაძლიერებას, რომ დავიკმაყოფილოთ არა მარტო ჩვენი საკუთარი მოთხოვნილება, არამედ ზედმეტ ღირებულების საქონელი შევქნათ და ამით მოვიპოვოთ საკუთარი ადგილი უცხო ქვეყნების ბაზარზედ.

ცხადია მაშასადამე, რომ სოფლის მეურნეობის მოკვარება-მოწესრიგება ჩვენის ახალგაზრდა რესპუბლიკის აღმშენებლობის უმკვიდრეს საფუძველს უნდა შეადგენდეს. ისტორიული მომენტი მძლავრად მოითხოვს სასოფლო-სამეურნეო საღის, მტკიცე და გარკვეულ პოლიტიკის ჩამოყალიბებას. საღი პოლიტიკის შექმნა-კი შეიძლება მხოლოდ თვით მეურნეთა სახელმწიფოსთან თანამშრომლობით, რისთვისაც აუცილებელია ჩვენი სოფლის მეურნეთა სამეურნეო ორგანიზაციებად ღარაზმვა.

ეს რავდენიმე წელიწადია, რაც სწარმოებს ამგვარი მუშაობა. შესდგა მელვინე მევენახეთა, მეცხვარე-მესაქონლეთა, მეთამბაქოეთა, მებაბაშუმეთა და სხვა სამეურნეო ორგანიზაციები. მაგრამ ამ დიდმნიშვნელოვან საქმეს შედარებით მძიმე პირობებში უხდება განვითარება.

ჩვენი სასოფლო მეურნეობა მოკლებულია სათანადო ყურადღებას, დანხარებასა და მფარველობას. მაშინ, როდესაც ვაჭარსა და მრეწველს ეძლევა სხვა და სხვა გვარი უფლება და დანხარება, როდესაც მას ჰყავს თავისი წარმომადგენელი სახელმწიფო ბანკში, ეკონომიურ საბჭოში და სხვა დიდმნიშვნელოვან სახელმწიფო დაწესებულებებში, სასოფლის მეურნე

მოკლებულია ყველა ამ უფლებებს. იგი ვერ სარგებლობს საჭირო კრედიტით, მას არა ჰყავს თავისი ვეჯილი, მისი ხმა არსად არ ისმის.

გარდა ამისა, საკმარისია გავითვალისწინოთ ის მჭიდრო ურთიერთობა, რომელიც არსებობს ჩვენ მეურნეობის ყველა დარგთა შორის, რომ სრულიად ცხადი შეიქმნეს ჩვენთვის უკვე დაარსებულ სამეურნეო ორგანიზაციათა მოქმედების გაერთიანების საჭიროება. სახელმწიფოებრივ სამეურნეო პოლიტიკის პერსპექტივების საუკეთესოდ განხორციელებისათვის, მეტად მიზანშეწონილი უნდა იყოს ამოძრავება და პრაქტიკულ მუშაობაში ჩაბმა მთელ ჩვენი ქვეყნის სამეურნეო ძალებისა.

სამეურნეო პოლიტიკა, შექმნილი და ჩამოყალიბებული სახელმწიფოებრივ ცენტრში, რაც შეიძლება ფართოთ და ღრმად უნდა ჩასწვდეს მთელს ჩვენს სოფელს, აამუშავოს ადგილობრივი უნარი და ორგანიზაციები. ამგვარი თანამშრომლობა გააცხოვლებს და სასიცოცხლოდ გამოიწვევს დაგროვილს ენერჯის და, რაც უფრო საყურადღებოა, დარაზმის მთელს ჩვენს სოფლის მეურნეობას და ამით დიდს დახმარებას გაუწევს სახელმწიფოს მის აღმშენებლობაში.

ამ მოსაზრებით სრულიად მიზანშეწონილად მიგვაჩნია დაკანონდეს უკვე შემდგარი, ამასთანავე წარმოდგენილ წესდების ნიადაგზედ, დაწესებულება-„სასოფლო მეურნეობის პალატა“, რომლის მთავარი მიზანი და დანიშნულებაა არის სამეურნეო პოლიტიკაში სამეურნეო ძალთა და ორგანიზაციათა სახელმწიფოებრივ ცენტრთან თანამშრომლობის განხორციელება, სასოფლო სამეურნეო ორგანიზა-

ციათა და ძალთა მოკრება და მათი წარმომადგენლობა.

მოგახსენებთ რა ზემოაღნიშნულს, გთხოვთ თქვენს ავტორიტეტულს დასტურს და დახმარებას ამ დიდ საქმეში. ქალ. თბილისი 1920 წლ. დეკემბერი.

## სასოფლო მეურნეობის პალატის წესდება

### 1. პალატის მიზანი და დანიშნულება

§ 1. საქართველოს სასოფლო მეურნეობასთან დაკავშირებულ საკითხთა განსახილველად და გასაძლიერად და აგრეთვე სასოფლო მეურნეობის ყოველ შეკავშირებულ დარგთა მოქმედების შესთანხმებლად ქალ. თბილისში არსდება სასოფლო სამეურნეო პალატა.

პალატის დამფუძნებელნი არიან: საქართველოს მეღვინე-მევენახეთა ყრილობა და მეცხვარე მესაქონლეთა ყრილობა თავის საბჭოთა სახით.

§ 2. პალატის მიზნად აქვს: ა) შეკავშირება თვითმართველობის საფუძველზედ სოფლის მეურნეთა და სასოფლო-სამრეწველო დაწესებულებათა იმ აზრით, რომ დაცულ იქმნეს წარმომადგენლობა და საზოგადო ინტერესები ადგილობრივ მეურნეობისა და სასოფლო-სამეურნეო მრეწველობისა; ხელი შეუწყოს სახელმწიფო ინტერესების მიხედვით სასოფლო მეურნეობისა და სამეურნეო მრეწველობის განვითარებასა და განმტკიცებას.

§ 3. მეორე მუხლში დასახულ მიზნების განსახორციელებლად პალატა სოფლის თავის დანიშნულებად: ა) სასო-

ფლო მეურნეობისა და სამეურნეო მრეწველობის განვითარებისათვის სასარგებლოთ დაწესებულებათა შექმნას, წარმოებას და მათთვის დახმარების აღმოჩენას, ბ) მთავრობის, სახელმწიფო, საერო და საზოგადო დაწესებულებათათვის დახმარებას იმ საშუალებათა გამოკვლევაში და განხორციელებაში, რომელნიც ხელს შეუწყობენ სასოფლო-მეურნეობისა და სამეურნეო მრეწველობის განვითარებას საქართველოში, გ) დამუშავება და ცხოვრებაში გატარება კანონმდებელ და სახელმწიფო დაწესებულებათა საშუალებით იმ კანონებისა და განკარგულებებისა, რომელნიც უზრუნველყოფენ სასოფლო მეურნეობისა და სამეურნეო მრეწველობის განვითარებას. დ) სასოფლო მეურნეობისა და სამეურნეო მრეწველობისათვის სასარგებლო ცოდნათა გავრცელებას სკოლების, სახელმძღვანელოთა და სპეციალურ ჟურნალ გაზეთების გამოცემის, სახალხო ლექციების, ინსტრუქტორების დანიშვნის თუ თათბირების მოწყობის საშუალებით, გამოფენათა და ნაწარმოების ან იარაღ-მანქანების შეჯობრებათა გამართვას. ე) სასოფლო-მეურნეობისა და სამეურნეო მრეწველობისათვის საჭირო სტატისტიკურ და სხვა ფაქტიურ მდგომარეობის შესახებ ცნობების შეკრება-გამოქვეყნებას და ყველა დაწესებულებათა წინაშე შუამდგომლობათა აღძვრას. ვ) სოფლის მეურნეობის და სამეურნეო მრეწველობის ნაწარმოებთა ფალსიფიკაციასთან ბრძოლას. ზ) სამელიორაციო კრედიტებზედ ზრუნვას.

§ 4. წესდებით დასახულ მიზანთა მისაღწევად პალატას უფლება აქვს: ა) წარუდგინოს მთავრობას და საზოგადოებრივ მმართველობას თავისი მოსაზრება-

ნი სასოფლო მეურნეობისა და სამეურნეო მრეწველობის საჭიროებათა შესახებ. ბ) იყოლიოს წარმომადგენლები სახელმწიფო, საერო და სხვა საზოგადო დაწესებულებებში და თათბირებში მონაწილეობის მისაღებათ იმ საკითხების განხილვის დროს, რომელთაც კავშირი აქვთ სასოფლო-მეურნეობასა და სამეურნეო მრეწველობასთან, მაგალითად: რკინის გზების ტარიფების, სავაჭრო-საზღვაო მიმოსვლის, საბაჟო და სავაჭრო გადასახადების, აქციზის დაწესების ან გადასინჯვის დროს. გ) აირჩიოს, ხოლო შესაფერ შემთხვევაში დააწესოს საარჩევნო წესი, წარმომადგენელნი სასოფლო-სამრეწველო საზოგადოებრივ და მმართველობის დაწესებულებათა და საბჭოებში, სადაც ასეთი წარმომადგენლობა ნებადართულია კანონით ან საჭიროა საქმის მდგომარეობის გამო. დ) იქონიოს ბიურო მეურნეთა და სამეურნეო მრეწველთა კრედიტის უნარის შესახებ. ე) შეასრულოს თავის მიზნებთან შეფარდებული და ამ წესდებით განსაზღვრული ყოველივე სხვა მოვალეობა.

§ 5. პალატა არსდება საქართველოს დედა ქალაქში და საქართველოს ტერიტორიაზე შეუძლიან დაარსოს თავისი განყოფილებანი. პალატის განყოფილება მოქმედებს თანახმად ინსტრუქციისა, რომელიც შემუშავებული უნდა იქმნეს პალატის კომიტეტის მიერ და დადასტურდეს პალატის წევრთა საზოგადო კრების მიერ.

§ 6. პალატა ცნობილია იურიდიულ პიროვნებათ და აქვს კანონიერი უფლება უძრავ-მოძრავი ქონების ყიდვა-გაყიდვის, დაქირავება-გაქირავებისა, დაგირავებისა, ხელშეკრულობათა შეკვრისა, ვალ-



დებულობათა მიღება-გაცემისა, სასაზღო-  
ლოს წინაშე საჩივრის აღძვრის და პასუ-  
ხისგებისა, შემოწირულება-მემკვიდრეო-  
ბის მიღებისა; ამას გარდა პალატას უფ-  
ლება აქვს შევიდეს წევრათ მის მიზნები-  
სთვის შესაფერ სხვა და სხვა საზოგადო-  
ებასა და დაწესებულებებში.

§ 7. პალატას უფლება აქვს აიღოს  
სესხი, რომლის პირობებს საზღვრავს ან  
თვით პალატა, ან მისი დავალებით პა-  
ლატის კომიტეტი.

§ 8. პალატა წარმომადგენლობს  
სასოფლო-სამეურნეო ყოველივე დარგის  
შეკავშირებულ ორგანიზაციას. სასოფ-  
ლო-სამეურნეო ყოველ ყრილობის მიერ  
შემოღებული გადასახადის დაწესების სა-  
კითხი სათანადო დაწესებულებაში წარდ-  
გენილ უნდა იქმნას პალატის მიერ.

§ 9. პალატა ექვემდებარება ფინან-  
სთა და ვაჭრობა-მრეწველობისა და მი-  
წად-მოქმედების სამინისტროს სათანადო  
საკითხებში და ემორჩილება მათ ზედა-  
მხედველობას. იგი ვალდებულია წარუდ-  
გინოს ხსენებულ სამინისტროებს თავისი  
მოქმედების შესახებ ყოველ წლიური ან-  
გარიში, შემოსავალ-გასავალი, ხარჯთაღ-  
რიცხვა და სია პალატის პირად შემად-  
გენლობისა.

§ 10. პალატის მიწერ მოწერა სა-  
ხელმწიფო თუ კერძო პირებთა და და-  
წესებულებებთან განთავისუფლებულია  
საღერბო და საფოსტო გადასახადისაგან.

§ 11. პალატას აქვს ბეჭედი სახელ-  
მწიფო ღერბით და წარწერით: „საქარ-  
თველოს სასოფლო მეურნეობის პალატა“.

**2. პალატის შემადგენლობა**

§ 12. პალატა შესდგება არა ნაკ-  
ლებ 32 წევრისაგან, რომელთაც ირჩევს

სასოფლო-სამეურნეო ყოველ დარგთა  
ყრილობათა საბჭოები შემდგენის წარმო-  
მადგენლობით:

1. მეღ. მევენახ. ყრ. თავის საბჭოს 7 წ.
2. მესაქ.-მეცხვ. „ „ „ 7 „
3. მხვნელ-მთესვ. „ „ „ 5 „
4. მეხილე-მებაღ. „ „ „ 4 „
5. მეთამბაქოეთა „ „ „ 3 „
6. მებაბრეშუმეთა „ „ „ 2 „
7. მეფუტკრეთა „ „ „ 1 „
8. შინა მრეწვ. „ „ „ 1 „
9. სასოფლო-სამეურ. საზოგად. 1 „
10. სახელ. უნივ. აგრონ. ფაკულ. 1 „

შენიშვნა 1. პალატის შემადგენლობა  
შეიძლება შეივსოს პალატის სათანადო  
დასტურით იმ შემთხვევაში, თუ ჩამოყა-  
ლიბდა სხვა რაიმე დარგის სასოფლო  
სამეურნეო მუდმივი ყრილობა.

შენიშვნა 2. ის დარგები, რომელთაც  
ჯერ არ ჰქონიათ ყრილობა, წარმოდგენი-  
ლნი არიან პალატაში ამ დარგებში არსე-  
ბულ ეკონომიურ ორგანიზაციათა საშუა-  
ლებით, იმ შემთხვევაში, თუ ხსენებული  
ორგანიზაციები სათანადო განცხადებას  
შეიტანენ პალატის კომიტეტში და პა-  
ლატის დასტურს მიიღებენ.

შენიშვნა 3. პალატა აწყობს იმ დარ-  
გების ყრილობებს, რომელნიც არ არიან  
შეკავშირებულნი.

შენიშვნა 4. უცხო სახელმწიფოთა  
ქვეშევ-დომთ პალატაში წარმომადგენ-  
ლობის უფლება არა აქვთ.

**3. პალატის საშუალებანი**

§ 13. პალატასა და მის მართველ  
ორგანოს ხარჯთა გასაძღოლათ პალატა-  
ში წარმოდგენილ სხვა და სხვა დარგთა  
ყრილობების მიერ გადაირიცხება მათ  
წესდებით მიღებულ გადასახადთა 15 %

შენიშვნა 1. სასოფლო სამეურნეო ყოველ დარგის ყრილობის მიერ დაწესებული გადასახადი იკრიფება სახაზინო და სხვა სახელმწიფო დაწესებულებათა საშუალებით იმავე დროსა და იმავე წესით, როგორცაა ხდება სახელმწიფო გადასახადების მოკრეფა. ამ რიგად მიღებული შემოსავალი სახაზინოებში და ყველა სხვა დაწესებულებებში ყოველ თვიურად უნდა გადასცენ სათანადო სიით სასოფლო სამეურნეო პალატას, რომელიც მე 12 §-ში განსაზღვრულ პროც.-ის გამოკლებით გადასცემს სათანადო სამეურნეო დარგის ყრილობის მმართველს ორგანოს.

შენიშვნა 2. ის ეკონომიური ორგანიზაციები, რომელნიც წარმოადგენენ პალატაში რომელიმე ყრილობით შეუკავშირებელს სასოფლო სამეურნეო დარგს, გადარიცხავენ პალატის განკარგულებაში თავის შემოსავლის მიხედვით განსაზღვრულს თანხას.

§ 14 მე-13 §-ში მოხსენებულ გადასახადის გარდა პალატის თანხებს შეადგენს: ა)  $\frac{1}{100}$  პალატის კუთვნილ კაპიტალისა და ქონებისაგან ბ) მოწმობებისა და სხვა საბუთების გაცემით მიღებული გადასახადი და გ) სხვა და სხვა შემთხვევითი შემოსავალი.

§ 15. სასოფლო მეურნეობისა და სამეურნეო მრეწველობისათვის სასარგელო დაწესებულებათა შესანახად და დასაარსებლათ პალატას შეუძლიან ფინანსთა და ვაჭრობა-მრეწველობის მინისტრის ნებართვით პროცენტის ვალი აიღოს.

§ 16. პალატას ენიჭება უფლება შექმნას თავის შემოსავლიდან სხვა და სხვა განსაკუთრებული დანიშნულების თანხები.

#### 4. პალატის საქმეთა მართვა გამგებლობა.

§ 17 პალატა თავის მიზნებსა და მოვალეობას ანხორციელებს ა) პალატის წევრთა საზოგადო კრებით, ბ) პალატის კომიტეტით და გ) სარევიზიო კომისიით.

შენიშვნა: გარდა ზემოხსენებულ ორგანოებისა პალატას უფლება აქვს დაარსოს დროებითი ან მუდმივი სპეციალი კომისიები ან განყოფილებანი სხვა და სხვა საკითხთა წინასწარ შესამუშავებლათ და პალატის მოქმედების ცალკე დარგთა გამგებლობისათვის. ყოველ კომისიის ან განყოფილების წევრთა რაოდენობას და აგრეთვე მათს უფლებასა და მოვალეობას განსაზღვრავს პალატის წევრთა საზოგადო კრება.

#### 5. პალატის კომიტეტი. მისი უფლებანი და მოვალეობანი.

§ 18. პალატის საქმეებს განაგებს პალატის კომიტეტი, რომელსაც ბინა თბილისში აქვს. კომიტეტი შესდგება ერთი თავმჯდომარისა, მისი ამხანაგისა და კომიტეტის ხუთი წევრისაგან, რომელნიც უნდა არჩეულნი იყვნენ პალატის წევრთა საზოგადო კრებისმიერ სამი წლის ვადით და რომელთაც საარჩევნო უფლება უნდა ჰქონდეთ. პალატის კომიტეტის წევრებს შეიძლება პალატის საზოგადო კრების დადგენილებით დაენიშნოს გასამრჯელო.

§ 19. პალატის კომიტეტი წარმომადგენლობს პალატას ყველა საქმეებში და დამოკიდებულებაში სხვა და სხვა პირებთან თუ დაწესებულებებთან. კომიტეტისა და მის ცალკე წევრთა უფლება მოვალეობას განსაზღვრავს პალატის მიერ დამტკიცებული ინსტრუქცია.

§ 20. კერძოთ საბჭოს ევალება ა) შედგენა წესებისა და ინსტრუქციებისა სხვა და სხვა სასოფლო-სამეურნეო დარგების ყრილობათა განვითარებისა და მოქმედების

შესახებ პალატის საზოგადო კრებისათვის წარსადგენათ ბ) მიღება და გაცემა ფულისა და პალატის ყოველივე საშუალებებისა, გ) ვალდებულებათა გაცემა პალატის მიერ ნებადართულ ფარგლებში დ) ყოველგვარ პირობათა და ხელშეკრულებათა დადება პალატის სახელით ე) სხვა პირთათვის რწმუნებათა და ვეჭილობის მიცემა. ვ) საჭირო უძრავ-მოძრავი ქონებისა და საქონლის ყიდვა-გაყიდვა, მათი დაგირავება და პალ. ქონების დაზღვევა. ხ) საჭირო ბინებისა და საწყობების დაქირავება. ც. მოსამსახურეთა მიღება-დათხოვნა და მათი მოვალეობისა და მუშაობის განსაზღვრა თ) შედგენა ცალკე კომისიებისა იმ შემთხვევაში, როდესაც ეს უფლება მინიჭებული აქვს კომიტეტს პალატის მიერ. ი) ანგარიშებრს და წიგნების, და პალატის საქმეთა შესახებ მიწერ-მოწერის წარმოება, ია) წლიურ ანგარიშების, ხარჯთაღრიცხვის და მოქმედების გეგმათა შედგენა და მათი წარდგენა პალატისათვის. იბ) პალატის წევრთა და საზოგადოთ გამგებლობა ყველა საქმეებისა, რომელნიც ეკუთვნის პალატის დანიშნულებას, და მის მიერ არიან კომიტეტისადმი დავალებულნი, და ყველა სხვა მოვალეობანი, რომელნიც არსებითად გამოდინარეობს ამ წესდების შინაარსიდან.

§ 21. ყოველ წლიურად კომიტეტის წევრთა შესამედი სტოვებს სამსახურს ამორჩევის უფროსობის მიხედვით. პირველ ორ წელიწადს კომიტეტის წევრნი კენჭის ყრით გამოდიან, გარდა თავმჯდომარისა, რომელიც სამ წელიწადს ასრულებს; გამოსული წევრნი კომიტეტისა შეიძლება ხელმეორედ იქნენ არჩეულნი.

§ 22 კომიტეტი თავის წევრთა შორის ირჩევს თავმჯდომარეს, მის ამხანაგს, ხაზინაძარს და საზოგადოთ ანაწილებს წევრთა შორის მოვალეობებს.

§ 23. კომიტეტი იკრიბება საჭიროებისამებრ, მხოლოდ არა ნაკლებ ვიდრე

კვირაში ერთხელ; კომიტეტის სხდომა კანონიერია, თუ მას დაესწრო თავმჯდომარე ანუ მისი ამხანაგი და სამი წევრი; კომიტეტის სხდომაზე საკითხები სწყდება ხმის უბრალო უმეტესობით; იმ შემთხვევაში, თუ ხმები თანაბარია, თავმჯდომარის ხმა სწყვეტს საკითხს, კომიტეტის დადგენილებანი იწერება განსაკუთრებულ წიგნში და დამსწრე წევრნი აწერენ ხელს.

§ 24 ყოველ გვარს მიწერ მოწერას კომიტეტი აწარმოებს პალატის თავმჯდომარის ან მისი ამხანაგის ხელის მოწერით.

§ 25. თამასუქები, რწმუნებულებანი, ხელწერილები, ხელშეკრულებანი, ნასყიდობის ქაღალდები და სხვა აქტები, აგრეთვე საკრედიტო დაწესებულებებიდან პალატათა თანხების მიღების მოთხოვნილებანი უნდა იყოს ხელმოწერილი კომიტეტის თავმჯდომარის ან მისი ამხანაგის და კიდევ ერთ-ერთ წევრის მიერ. ფოსტიდან ფულის ამანათის და საბუთების, აგრეთვე შესანახად შეტანილ სარგებლიან ქაღალდების და კუპონების მისაღებად საკმარისია ხელის მოწერა კომიტეტის ერთი წევრისა პალატის მექდის დასმით.

§ 26. კომიტეტი ხარჯავს ფულის თანახმად პალატის მიერ მიღებულ ხარჯთაღრიცხვისა; პალატამვე უნდა განსაზღვროს იმ ხარჯის რაოდენობა, რომლის დახარჯვაც კომიტეტს შეუძლიან ხარჯთაღრიცხვის შედგენათ—ვინიცობაა ხარჯი მთულოდნელი და გადაუდებელია:—ამ შემთხვევაში კომიტეტის წევრნი პასუხის მგებელნი არიან პალატის წინაშე; ამ გვარი ხარჯის გაწევა პალატამ უნდა გადასწყვიტოს თავის შემადგენლობის არა ნაკლებ ორი მესამედი ხმით.

## 6. ანგარიში და რევიზია

§ 27. კომიტეტი ვალდებულია შეადგინოს ყოველ განვლილი წლის წლიური ანგარიში და მისი თანხების ტრიალის ბალანსი, აგრეთვე უნდა შედგენილ იქმნას ხარჯთ-აღრიცხვა და გეგმა მოქმე-

დებისა მომავალი წლისათვის; ხოლო ყველა ესენი პალატას წარედგინება და-სამტკიცებლად სარევიზიო კომისიის მიერ განხილვისა და შესწორების შემდეგ.

შენიშვნა. ანგარიში უნდა იყოს შედგენილი და კომიტეტისა და სარევიზიო კომისიის მიერ ხელმოწერილი არა უგვიანეს ერთი თვისა პალატის წევრთა საზოგადო კრების დღემდე, რომელსაც ეს ანგარიში უნდა წარედგინოს. ამ ერთი თვის განმავლობაში ანგარიში განსახილველ დროს კომიტეტის ბინაზე მსურველთათვის ღია უნდა იყოს გადასათვალიერებლად.

§ 28. პალატის საანგარიშო წელიწადი იწყება იანვრიდან და თავდება 31 დეკემბერს; თუ პალატა შესდგა საანგარიშო წლის განმავლობაში, პირველი საანგარიშო წელი ითვლება მოქმედების დაწყებიდან მიმდინარე წლის 31 დეკემბრამდე.

§ 29. სარევიზიო კომისიას პალატა ირჩევს არა ნაკლებ სამი წევრისა და ორი კანდიდატისაგან ერთი წლის ვადით იმ პირობა შორის, რომელნიც არ შედიან კომიტეტის შემადგენლობაში და არც რაიმე თანამდებობა უკავიათ პალატის საქმეებში.

§ 30. სარევიზიო კომისიას ევალება მომავალ საზოგადო კრების დღემდე ერთი თვით ადრე გადასინჯვა წარსული წლის ანგარიშების ბალანსისა და მათთან დაკავშირებულ დავთრების საბუთების და ანგარიშებისა, რომელნიც თავისი დასკვნით შეაქვს საზოგადო კრებაზე. სარევიზიო კომისიას აქვს უფლება აგრეთვე მოულოდნელი რევიზიისა.

§ 31. სარევიზიო კომისიის მოქმედების განსაზღვრება შეიძლება მხოლოდ თვით პალატასთან, ხოლო საჩივარი მიეცემა სარევიზიო კომისიას, რომელმაც იგი თავისი დასკვნით უნდა წარუდგინოს უახლოეს საზოგადო კრებას.

7. პალატის წევრთა საზოგადო კრება.

§ 32. კომიტეტის წევრთა საზოგა-

დო კრებები არის ჩვეულებრივი ანუ წლიური და არაჩვეულებრივი; ჩვეულებრივ საზოგადო კრებას კომიტეტი იწვევს ყოველ წელს არა უგვიანეს მაისისა წარსული წლის ანგარიშის, შემდეგი წლის ხარჯთაღრიცხვის და მოქმედების გეგმის განსახილველად და დასამტკიცებლად და აგრეთვე კომიტეტის წევრების და სარევიზიო კომისიის ასარჩევად. კომიტეტის წევრთა საზოგადო კრებაზე ირჩევა და სწყდება სხვა საკითხებიც, რომელნიც კომიტეტის უფლებას აღემატებიან ან და აღძრულნი იქნებიან თვით პალატის მიერ.

გარდა წლიური კრებისა პალატა უნდა იკრიბებოდეს ყოველ სამ თვეში ერთხელ მორიგ საკითხთა განსახილველად.

§ 33. არაჩვეულებრივ კრებას იწვევს კომიტეტი თავისით, ან პალატის წევრთა ერთ მეხუთედის ან და სარევიზიო კომისიის მოთხოვნით, ამგვარი მოთხოვნისა პალატის წევრებისა ან სარევიზიო კომისიისა სისრულში უნდა იყოს მოყვანილი კომიტეტის მიერ არა უგვიანეს ორი თვისა დღიდან კომიტეტში პალატის საზოგადო კრების წევრთა მოწვევის შესახებ განცხადების შეტანისა.

§ 34. პალატის საზოგადო კრების პრეზიდიუმს ირჩევს თვით კრება; მის არჩევამდე კრებას ხელმძღვანელობს კომიტეტის პრეზიდიუმი.

§ 35. პალატის საზოგადო წევრთა კრება კანონიერია, თუ მას დაესწრო არა ნაკლები პალატის ყველა წევრთა ორი მესამედი რიცხვისა; ვინიცობა ეს წევრთა რიცხვი კრებაზე არ დაესწრო, ოცდაოთხის საათის შემდეგ ინიშნება პირველი კრების მაგიერ მეორე კრება, რომელიც კანონიერია მიუხედავად დამსწრე წევრთა რაოდენობისა.

§ 36. პალატის წევრთა საზოგადო კრების მიერ განსახილველი ყველა საკითხი უნდა იყოს შეტანილი პალატაში თვით კომიტეტის მიერ. ამიტომ წევრმა, რომელსაც სურს პალატაში რაიმე საკი-

ნა

თხის შეტა, უნდა წერილობით მიჰმართოს კომიტეტს არა უგვიანეს ათი დღისა პალატის წევრთა საზოგადო კრების დღემდე; ეს წინადადება-განცხადება კომიტეტმა უნდა წარუდგინოს პალატას თავისი დასკვნით.

§ 37 პალატის დადგენილებანი უნდა იყოს შეტანილი ოქმში, რომელსაც ხელს აწერს პალატის წევრთა საზოგადო კრების თავმჯდომარე, ყველა დამსწრე კომიტეტის წევრი ხუთი პალატის წევრი მაინც.

§ 38. დრო და ბინა პალატის წევრთა საზოგადო კრებისა უნდა იყოს გამოქვეყნებული ერთი თვის წინ ოფიციალურ გაზეთში; გამოქვეყნებულს დაბეჭდილს განცხადებაში საესებით უნდა იყოს მოყვანილი საზოგადო კრების მიერ განსახილველი საკითხები.

§ 39. პალატის წევრთა საზოგადო კრებაში მონაწილეობას იღებენ მხოლოდ პალატის წევრნი. ხმის გადაცემა დაუშვებელია. ყველა საკითხი, არჩევნების გარდა კრებაზე სწყდება კრების სურვილით კენჭის ყრით, ან ბარათების მიწოდებით, ან და წევრთა ფეხზე აღდგომით. თვით ამ წესრიგის საკითხი გადაწყდება წევრთა ფეხზე აღდგომით. არჩევნები კრებაში მოხდება მხოლოდ ფარული კენჭის ყრით.

§ 40. ეს წესდება შეიძლება შეივსოს ან შეიცვალოს პალატის წევრთა საზოგადო კრებაზე დამსწრე წევრთა ორი მესამედის ხმის უმრავლესობით მიღებულ დადგენილების თანახმად და ფინანსთა და ვაჭრობა-მრეწველობის მინისტრის მიერ დამტკიცების შემდეგ.

## ღვინის წარმოება

(გავრძელება)

**სიცივის მოქმედება ღვინოზე.** თუმცა ჩვენში იშვიათად იცის დიდი სიცივეები, მაგრამ, მაინც ჩვენც გვეწვევა ხოლმე ყინვები, როგორც მაგალითად წრევანდელი წელიწადი იყო; ამას გარდა რუსეთის ბაზარი ყოველთვის არ დარჩება ჩვენთვის დახშული და იქით უეჭველად მოგვიხდება ხოლმე ღვინოების გაგზავნა. ამის გამო კარგი იქნება მოკლედ მოვიხსენიოთ, თუ რა გავლენას ახდენს ღვინოზე ყინვა.

თუ სიტბომ ისე დაბლა დაიწია, რომ წყლის გაყინვის წერტილის დაბლა—4 მენაკამდე (გრადუსამდე) მიადწია, მაშინ ღვინო ჩვეულებრივ აიძვრება ხოლმე. ეს აძვრება შედეგია იმისა, რომ ღვინოში არსებული ღვინის ქვა დაბალ სიტბოზე ნაკლებად იხსნება ღვინოში და ამის გამო დალექვას იწყებს, ღვინოში გახსნილი ღვინის ქვა წვნიკ დამნებად (კრისტალებად) გადაიქცევა ხოლმე და სანამ ის ჭურჭლის ძირში დაილეკება ღვინოს მღვრივე შეხედულებას აძლევს. ღვინის შეთბობით ეს სიმღვრივე თუმცა ძნელად, მაგრამ ხშირად ისევ ვაჭრება ხოლმე, რადგან დალექას დაწყებული დამნები (კრისტალები) ისევ გაიხსნებიან ხოლმე; თუმცა არის ხოლმე შემთხვევა, როდესაც ერთხელ დალექილი ღვინის ქვა თავისით აღარ გაიხსნება. თუ ღვინო ძალიან მკაფია, ამ შემთხვევაში ღვინის ქვის დალექვა მას სიმკაფიანს შეუმცირებს და, ზაშასადამე, არგებს კიდევ რასაკვირვებელია. შემჩნეულია, რომ როდესაც ღვინის გაციების დროს ღვი-

ნის ქვა ილექება, მასთან ერთად ილექება ღვინოში არსებული ზოგიერთი სხვა სხეულები, ცილა წივთიერებანი, რომლებსაც იხვევენ ღვინის ქვის დამნები (კრისტალები) და იხვეწავენ.

ამ მოვლენით სარგებლობენ იმ შემთხვევებში, როდესაც ღვინოს ისეთი სიმღვრივე შეეპარება, რომლის გაშორებაც არა ხერხდება არც რამე დაწმენდის და არც გაწურვის საშუალებით. მაშინ ამისთანა ღვინოებს ცივად დააწყობენ ხოლმე და ეს სიმღვრივე თავისით დაილექება და გაშორდება ხოლმე ღვინოს.

თუ ღვინო—4<sup>0</sup>-ის დაბლა გავაცივთ (—5<sup>0</sup>—10<sup>0</sup>-მდე), მაშინ ის გაითოშება ხოლმე: დაილექება ფირა დამნები (კრისტალები), რომლებიც წმინდა ყინულს ანუ გაყინულს წყალს წარმოადგენენ, ხოლო ღვინის სხვა შემადგენელი ნაწილები კი, განსაკუთრებით ძალადი (სპირტი) ხსნარში დარჩება. ამნაირად გათოშვის საშუალებით შესაძლებელი ხდება ძალიან მაგარი ღვინოების დამზადება, თუ ჩვენ ღვინოს მოვაშორებთ გაყინულს წყალს ანუ ყინულს. ამ გაყინვის დროს რასაკვირველია ღვინის ქვაც დაილექავს და, თუ ღვინო ჯერ ახალგაზდაა, დაილექება მასთანვე ერთად აგრეთვე მრავალი სხვა სხეულებიც, რომლებსაც უიმისოდ დიდი ხანი დასჭირდებოდათ ღვინიდან გამოსაცლელად: მაგრამ სამწუხარო ის არის, რომ მათ თან ვაჰყვებოდა ისეთი სხეულებიც, რომელიც სასურველი არ არის რომ ღვინოს მოაკლდეს, როგორც მაგალითად: საფერავი, გამოსხნარები (ექსტრაქტი). ყოველივე ამის მიხედვით სარჩევი არ არის გასასყიდ ღვინის გავზავნა ზამთრის დროს, ხოლო თუ სადმე ჯერ

დასაწყობად გაიგზავნა, მაშინ მას იმდენი არა უჭირს რა, რადგანაც ფრთხილი და თანდათანობითი გათბობით ამღვრევით გამოწვეული ნალექი მეტ წილად ისევ გაიხსნება, ღვინო კვლავ გამჭვირვალედ გახდება და პირველში შემოილილი გემო რავდენიმე ხნის შემდეგ ცოტად თუ ბევრად ისევე დაუბრუნდება.

**დამწიფებული ღვინო.** სანამ ღვინო თავის უმაღლეს განვითარების წერტილს მიაღწევს კარგა ხანი სჭირდება მას და მარანში ბევრს მოვლისა და თვალყურის დევნებას მოითხოვს. ეს ყველაფერი მეღვინეობის განსაკუთრებულ დარგს, მემარნეობას ეკუთვნის და ამის შესახებ ცალკე იქნება წერილები მოთავსებული. ეხლა კი აქ მოკლედ მინდმ იმისი თქმა, თუ როგორ ხასიათდება ღვინის დამწიფება.

ამის შესახებ თითქმის სრულებით ვერაფერს გვეტყვის ნივთიერი ალღევა ანუ ქიმიური ანალიზი. აქ ჩვენ მხოლოდ ჩვენს გამოვნებაზედა ვართ მინდობილი. ამის მიხედვით ღვინო დამწიფებულად ჩაითვლება, როდესაც მისი გემო და სურნელოვანება შეთანხმებით საამურად მოქმედებენ ჩვენს გამოვნების და ყნოსვის გრძნობებზე და ამავე დროს ეს თვისებები უმაღლესად აქვთ განვითარებული. ამასთან დაკავშირებულია აგრეთვე ღვინის გამჭვირვალობა და ფერის სიხალისე. საერთო და მუდმივ რამ თვისებებზე ლაპარაკი თითქმის შეუძლებელია, რადგან ზემონათქვამს ემატება აგრეთვე ღვინის მომხმარებელის გამოვნებაც: ზოგ ადამიანს სხვა და სხვა დროს სხვა და სხვა გვარი ღვინო მოსწონს და, თუ ამას იმასაც დავუმატებთ, რომ სხვა და სხვა ქვე-

უნებში სხვა და სხვა გვარ ღვინოებს ეტანებიან, მაშინ ცხადი ვახდება სავსებით, რომ შეუძლებელია დამთავრებულ-დამწიფებულ ღვინოს გემოვნების მხრივ დასახასიათებლად რამე საერთო წესები წამოვაყენოთ. მაგალითად წინათ მით უფრო უკეთესად მიაჩნდათ ღვინო, რაც იგი უფრო ძველი იყო. ეხლა კი უფრო ისეთს ღვინოს ეტანებიან, რომელსაც ახალგაზღვრული სიხალისე თანასდევს, რაოდენადმე მშუშხავია.

ზოგი ღვინო ჩქარა მწიფდება, ზოგს უფრო დიდი დრო სჭირდება. მომწიფებული ღვინო უნდა დროზე ბოთლებში ჩაისხას: მსუბუქი ღვინისა უსათუოდ საჩქაროდ გასასყიდათ, ხოლო უფრო მაგარ და ჯანიანებისა კი შესანახადაც. მსუბუქ და თხელ ღვინოებს ხშირად მომწიფებამდე ასაღებენ ბაზარში, რადგან მასში დარჩენილი აუღელარი შაქარი, დაუღეკავი გამოხსნარი (ექსტრაქტი) და გახსნილი ნახშეანგი ( $CO_2$ ) მას საამურ სასმელსა ჰხდის; ხოლოთ თუ ჩვენ დიდხანს შევინახეთ იგი, მაშინ ყველაფერი ეს მასალა გამოეცლება, ყოველნაირ ღირსებას დაჰკარგავს და ღვინოს ფასიც დაეკარგება. ყოველივე ეს მით უფროა მხედველობაში მისაღები, რომ ამისთანა ღვინოები ძნელად უძლებენ სხვა და სხვა ავადმყოფობებს და ადვილად ფუჭდებიან. თუმცა დიდი სიფრთხილის და სხვა და სხვა ზომების მიღებით შეიძლება ამ ღვინოების ავადმყოფობისგან გადარჩენა, მაგრამ გაწეული ჯაფა და ხარჯები არ ანაზღაურდება, რადგანაც ამისთანა ღვინოები, როგორც უკვე ზევითა ვსთქვიით, დიდხანს შენახვით მხოლოდ ღირსებას დაჰკარგავენ და ვერაფერ უპირატესობის კი ვერ მოი-

მატებენ. როგორც ყველაფერი ბუნებაში ღვინოც დამწიფების შემდეგ სიბერეში გადავა. ამის გამომწვევია ერთის მხრით ჰაერის ჟანგბადი და მეორის მხრით ღვინოში არსებული მციები (ბაქტერიები). ამ მციების გავლენის შესამცირებლად სცილობენ ღვინო დაწმენდილი ჩაასხან ბოთლებში, რომ ეს მციები შეძლების გვარად არ ჩაჰყენენ ღვინოს ბოთლში (თუმცა კარგი ჯიშის მციას ხან და ხან განგებაც ჩააყოლებენ ხოლმე ღვინოს თვისების გასაუმჯობესებლად, მაგრამ თუ ღვინისათვის მანეე ჯიშის მცია ჩაჰყვა ბოთლში, ის ადვილად წახდენს ღვინოს). ჰაერის გავლენის შესამცირებლად კისწორედ შუშის ჭურჭელია შესაფერი, მხოლოდ პირი რასაკვირველია კარგად უნდა იყოს დაცობილი. და საცობი რომ არ გაშრეს, არ გახმეს, ჰაერი ადვილად არ ჩავიდეს ღვინოში, ბოთლებს დაწოლილს ინახავენ, რომ საცობი მუდამ სველი იყოს და ბოთლს პირს მჭიდროდ უცავდეს.

მის. შალამბერიძე

(გაგრძელება იქნება)

## კორეისკონსტაბლის საპურადღებოდ.

გთხოვთ ნუ დაიწეებთ და ქურნაღის მასალა დროზე მოკვამდეთ ხოლმე.

3 135  
1921

№ 2

27

კოლხერბოეული სასოგადოება

# „კახეთი“

სასოგადოება „კახეთი“ არსებობს 1895 წლიდან და ამ ემად 246 მევენახე ითვლება წევრად. სასოგადოება „კახეთი“-ს წევრობა შეუძლიან ეველა კახელ მევენახეს და აგრეთვე ეველა მას, ვინც-კი ჩაბარებს სასოგადოებას ნამდვილ კახურ ღვინოს ეოველ წლივ.

მთავარი კონტორა სასოგადოება „კახეთი“-სა მოთავსებულია თბილისში, დამუშენებელ კრების ქუჩა № 5, ტელეფონი № 13—23, სოლო სარდაფი გოგოლის ქუჩასე № 63, საკუთარ შენობაში. ტელეგრაფით მისამართი: თბილისი კახეთი.

სასოგადოება „კახეთი“-ს მთავარი საწვობები კახეთში ორ ალაკას არის მოწვობილი: თელავში „კახეთი“-ს ბიურო ალექსანდრე მყანავილთან და კარდანახში, „კახეთი“-ს ბიურო ნიკოლოს დარბაჯილთან.